

XXVI. IGANDEA URTEAN ZEHAR (B)

Otoitza

Jainko Jauna, barkatzen eta errukitzen
agertzen duzu batez ere zeure ahalmen handia;
isur ezazu gure gainera etengabe zeure grazia,
Zuk agindutako ondasunetara lehiatuz,
zeruko zoriona irits dezagun.
Zure Seme Jesu Kristo.

I. IRAKURGAIA: Zenb 11, 25-29

*Zergatik zure espa horiek nirekiko?
Hobe litzateke Jaunaren herri osoa profeta balitz!*

Zenbakien liburutik

Egun haietan, jaitsi zen Jauna hodeian, eta Moisesi hitzegin zion: Eta harengan zegoen espiritutik hartu, eta hirurogeita hamar zaharrengan isuri zen. Eta espiritua haiengan kokatu orduko, profeta-hitza hotsegiten hasi ziren. Gizon haietatik bi, Eldad eta Medad, txabolategian gelditu ziren. Aukeratuak izanagatik, ez ziren batzar txabolara joan; baina hauengan ere kokatu zen espiritua eta profeta-hitza hotsegiten hasi siren txabolategian.

MutiL batek, Moisesengana lasterka jo, eta hala esan zion: «Eldad eta Medad profeta-hitza hotsegiten ari dira txabolategian». Josuek, Nunen semeak, gaztetandik Moisesen morroi zenak, honela esan zuen: «Moises, ene jauna, debeka iezaiezu». Baina Moisesek erantzun: «Zergatik zure espa horiek nirekiko? Hobe litzateke Jaunaren herri osoa profeta balitz eta Jaunaren espiritua izango balu!»

ERANTZUN SALMOA: Sal 18, 8 eta 10. 12-13. 14

**R/. Jaunaren arauak zuzenak dira,
bihotzaren asegarri.**

Jaunaren legea bikain, barrena birbizteko,
Jaunak hots egina sendo, ezikasiak eskolatzeko.
Jaunaren beldurra garbi, iraungarri betiko,
Jaunaren erabakaik egiatzko, guztiak orobat bidezko. R/.

Zure morroi honek haietan du argi bizia,
haiek gordetzen sari handia.
Nork erakutsi ditzake bere hutsak?
Garbi itzazu nire ezkutu geldituak. R/.

Harrokeriatik ere morroi hau gorde ezazu,
ez dakidan nagusitu.
Orduan geldituko naiz bikain eta garbi
gaitz handi horretatik. R/.

II. IRAKURGAIA: St 5, 1-6

Zuen ondasunak ustelduta daude.

Santiago Apostoluaren epistolatik

Zuek, aberatsok, egizue negar garrasi batean, gainera datozkizuen zoritxarrak direla eta. Zuen ondasunak ustelduta daude, eta zuen jantziak sitsak janda; zuen urre-zilarrak, herdoilak jota; eta horien herdoilak zuen kontrako testigantza egingo du eta suak bezala jango, zuen haragia. Azkenak diren egunotan pilatu duzue aberastasuna.

Zuen soroetan igitaian egin duten langileei eman ez diezuen lan saria deiadarka ari da; eta horien deiadarra iritsi da diren guztien Jaunaren belarritaraino. Lurrean beti asean bizi izan zarete, eta atseginkerian; harakintz egunerako gizendu zarete. Gizaki zuzena gaitzetsi duzue eta hil; eta Hark ez dizue gogor egiten.

EBANJELIOA: Mk 9, 38-48

Aleluia: Ik. Jn 17, 17b. a

R/. Aleluia.

V/. Zure hitza, Jauna, egia da;
santu egin gaitzazu egian. R/.

*Gure aurka ez dagoena, gure alde dago.
Zure eskuak arriskuan jartzen bazaitu, moztu ezazu.*

Jesu Kristoren Ebanjelioa San Markosen liburutik

Aldi hartan, Joan honela mintzatu zitzaion Jesusi: «Maisu, zure izenean deabruak botatzen ikusi dugu, gurekin ez dabilen bat; eta guk galarazi egin nahi izan diogu, ez baitabil gurekin».

Baina Jesusek esan zion: «Ez galarazi; ez da inor, nire izenean mirari bat egin ondoren, Niretzat gaizkiesaka ari daitekeenik. Gure aurka ez dagoena, gure alde dago.

Zuek Kristorenak zaretelako, baso bat ur edateko ematen dizuenak, benetan diotsuet, ez du galduko bere saria.

Niregan sinesten duen txiki horietako bat okerbideratzen duenak, hobe luke, errotarri bat lepotik lotuko baliote, eta itsasora botako balute.

Zure eskuak arriskuan jartzen bazaitu, moztu ezazu. Hobe duzu bizitzan besamotz sartu, bi eskuak dituzula itzali ezinezko su-leizera joan baino. Eta zure oinak arriskuan jartzen bazaitu, moztu ezazu. Hobe duzu bizitzan herren sartu, bi oinak dituzula su-leizean bukatu baino. Eta zure begiak arriskuan jartzen bazaitu, atera ezazu. Hobe duzu Jaungoikoaren erreinuan begibakar sartu, bi begiak dituzula su-leizean bukatu baino; hango harra ez da hiltzen, ez sua itzaltzen».

Oparigaien gainekoa

Jainko guztiz errukitsua,
atsegin dakizula gure eskaintza hau
eta berak ireki diezagula
bedeinkapen guztien iturria.
Jesu Kristo.

Jaunartze ondorengoa

Sakramentu honek, Jauna,
gure gorputz-arimak berri ditzala,
Kristoren heriotza iragartzen dugunok
Haren nekaldian bezala
Haren biztueran ere parte izan dezagun.
Jesu Kristo.